

DOA MAJLIS UMUM 3

الْحَمْدُ لِلَّهِ رَبِّ الْعَالَمِينَ حَمْدًا يُؤَافِي نِعَمَهُ وَيُكَافِي بِهِ مَزِيدَهُ ، يَا رَبَّنَا لَكَ الْحَمْدُ كَمَا يَنْبَغِي
لِجَلَالِ وَجْهِكَ وَعَظِيمِ سُلْطَانِكَ. اَللّٰهُمَّ صَلِّ وَسَلِّمْ عَلٰى سَيِّدِنَا مُحَمَّدٍ وَعَلٰى آلِهِ وَاصْحَابِهِ
أَجْمَعِينَ.

اللهم يا الله يا رحمن يا رحيم

Pada saat dan ketika ini kami sekalian hamba-hamba Mu, dengan penuh rasa rendah diri, mengangkat tangan kepada Mu ya Allah. Tidak ada yang lebih besar harapan kami melainkan mengharapkan keredhaan Mu pada kami. Ya Allah! Kami panjatkan kesyukuran ke hadrat Mu di atas berlangsungnya majlis yang kami rencanakan ini.

Justeru itu ya Allah! apakah kiranya Engkau kurniakan kepada kami kesedaran akan peri pentingnya erti perpaduan dan kesederhanaan. Engkau keluarkanlah kami daripada belenggu pemikiran kejumudan kepada fikrah keimanan dan kemajuan. Hiasilah diri kami dengan semangat kekitaan dalam membentuk perpaduan bangsa dan watan. Ya Allah! Engkau bukakanlah tirai perdamaian agar kami dapat bersatu hati mengerat tali persaudaraan agar kehidupan bertambah mampan, kesejahteraan insan dapat ditingkatkan. Ya Allah! Kurniakanlah kami kecerdasan akal agar lahir insan berdaya cipta dan saling menghormati antara rakan taulan. Engkau sematkanlah hati kami sepenuh keyakinan dalam melaksanakan setiap usaha dengan rasa ihsan terhadap setiap insan.

اللهم يا حفيظ يا علیم

Ya Allah! Peliharalah kami daripada tindakan yang melampaui batasan taqwa dan iman. Lindungilah kami daripada segala fitnah perpecahan dan

perbalahan dan apa jua anasir yang menggugat keselamatan dan keharmonian.

Ya Allah! Sesungguhnya apa juga kebaikan, nikmat, dan anugerah adalah daripada sisi Mu jua. Oleh itu, jadikanlah kami umat yang tidak akan melupai dan sentiasa menyebut nama Mu yang terawal dalam setiap pujian dan penghargaan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ
وَصَلَّى اللَّهُ عَلَى سَيِّدِنَا مُحَمَّدٍ وَعَلَىٰ آلِهِ وَصَحْبِهِ أَجْمَعِينَ.
وَالْحَمْدُ لِلَّهِ رَبِّ الْعَالَمِينَ.